

Ugovorne strane:

1. **MINISTARSTVO UNUTRAŠNJIH POSLOVA KANTONA SARAJEVO**, La Benevolencije br. 16, koje zastupa ministar Admir Katica, (u daljem tekstu: Kupac) i
2. **LUMBERJACK d.o.o. Sarajevo**, Bačići br. 66, Sarajevo, ID broj: 4202761260002 kojeg zastupa direktor Muhamed Helać, (u daljem tekstu: Prodavac)

zaključile su:

## **UGOVOR o nabavci peleta**

### **PREDMET UGOVORA**

#### **Član 1.**

Predmet ugovora je nabavka deset tona peleta za potrebe Ministarstva unutrašnjih poslova Kantona Sarajevo.

Ugovor se zaključuje u skladu sa uslovima iz zaključenog Okvirnog sporazuma od 01-11-4-2576-9 od 10.11.2023. godine, Tenderske dokumentacije i ponudom Prodavca broj 100/23 od 29.08.2023. godine koja čini sastavni dio ovog ugovora.

Nabavka je izvršena putem otvorenog postupka na osnovu Odluke broj 01-11-4-2576 od 19.05.2023. godine.

### **CIJENA**

#### **Član 2.**

Cijena za robu iz člana 1. ovog Ugovora, iznosi 4.980,00 KM bez PDV-a (četirihiljadedevedestotinaosamdeset i 00/100 KM).

U cijenu nije uključen PDV odnosno ukupna vrijednost ugovora sa uračunatim PDV-om iznosi 5.826,60 KM, (pethiljadaosamstotinadvadesetšest i 60/100 KM).

Ugovorena cijena uključuje, pored navedenog i sve zavisne troškove.

### **NAČIN PLAĆANJA**

#### **Član 3.**

Kupac će Prodavcu izvršiti plaćanje ugovorene vrijednosti iz člana 2. ovog Ugovora, u roku od 30 dana od dana isporuke i dostavljanja fakture.

Prodavac se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora izvršiti isporuku robe iz člana 1. ovog Ugovora, za potrebe Ministarstva unutrašnjih poslova Kantona Sarajevo.

### **ROK ISPORUKE**

#### **Član 4.**

Prodavac se obavezuje da će isporuku izvršiti u roku od 3 dana od zaprimanja pismenog zahtjeva Kupca. Sve troškove isporuke do primopredaje, kao i troškove reklamacije snosi Prodavac. Roba će se isporučiti prema tehničkim specifikacijama, na adresu Kupca, PS Trnovo, Pendičići.

U slučaju osnovanih primjedbi na ispunjenje ugovorenih obaveza, Prodavac je dužan da o svom trošku sve da te nedostatke otkloni u što kraćem roku.

#### **Član 5.**

Prodavac se obavezuje da će u roku od deset dana od dana obostrano potpisanog ugovoru dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza +/- 30 dana.

Ukoliko Prodavac ne dostavi garanciju za uredno izvršenje ugovora na propisan način, shodno uslovima iz tenderske dokumentacije i predviđenom roku, ugovor se neće smatrati zaključenim.

### Član 6.

Prilikom isporuke robe koja je predmet ovog Ugovora, ovlaštena osoba Prodavca je obavezna ovlaštenoj osobi ispred Kupca dostaviti otpremnicu za isporučenu robe (po vrsti i količini) u dva primjerka, koja je uredno ovjerena i potpisana od strane ovlaštene osobe Prodavca. Po prijemu robe otpremnicu potpisuje i ovlaštena osoba Kupca, zadužena za prijem robe.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, sačiniti će zapisnik o reklamaciji, koji Kupac dostavlja Prodavcu. Sve primjedbe na izvršenu isporuku će biti kanstatovane u zapisniku.

### Član 7.

Prodavac se obavezuje priznati reklamaciju na kvantitet i kvalitet isporučene robe, koja će biti propraćena zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Prodavca kako bi se zadovoljili uslovi reklamacijskog roka.

U slučaju osnovanih primjedbi na ispunjenje ugovorenih obaveza Prodavca, konstatovanih u zapisniku o reklamaciji, prodavac je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Kupac.

## ODGOVORNOST I VIŠA SILA

### Član 8.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti odgovarajuće dokaze. Prodavac se obavezuje da će usluge pružati u skladu sa zahtjevom Kupca i da će odmah postupiti po eventualnim primjedbama Kupca u pogledu nedostataka na ime kvaliteta izvršene usluge.

Kupac je dužan dostaviti pismeno obavještenje o svakom propustu Prodavca.

Kupac će utvrditi razuman rok za ispravak propusta Prodavca u smislu izvršene isporuke.

### Član 9.

Prodavac nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje 6 mjeseci po zaključenju ugovora, odnosno od početka realizacije ugovora.

### Član 10.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno.

U slučaju nemogućnosti sporazumnog rješavanja eventualnih sporova konačno rješenje će donositi nadležni sud u BiH.

### Član 11.

Ovaj ugovor sačinjen je u 4 (četiri) istovjetna primjerka od kojih (dva) primjerka zadržava svaka od ugovornih strana.

LUMBERJACK d.o.o. Sarajevo

direktor, Muhammed Helac

Broj: 93/19

Dana: 05.12.23.

